

景德傳燈錄卷第二十八
諸方廣語

南陽慧忠國師語 洛京荷澤神會大師語
江西大寂道一禪師語 潤州藥山惟儼和尚語
越州大珠慧海和尚語 汀州大達無業國師語
池州南泉普願和尚語 趵州從諗和尚語

鎮州臨濟義玄和尚語 玄沙宗一師備大師語
漳州羅漢桂琛和尚語 大法眼文益禪師語
南陽慧忠國師問禪客從何方來對曰南方。
來師曰南方有何知識曰知識頗多師曰如
何示人曰彼方知識直下示學人即心是佛
佛是覺義汝今悉具見聞覺知之性此性善
能揚眉瞬目去來運用徧於身中控頭頭知
極脚脚知故名正徧知離此之外更無別佛
此身即有生滅心性無始以來未曾生滅身
生滅者如龍換骨如蛇脫皮人出故宅即身
是無常其性常也南方所說大約如此師曰
若然者與彼先君外道無有差別彼云我此

身中有一神性此性能知痛癢身壞之時神
則出去如舍被燒舍主出去舍即無常舍主
常矣審如此者邪正莫辨孰為是乎吾比遊
方多見此色近尤盛矣聚却三五百衆目視
雲漢云是南方宗旨把他壇經改換添襟鄙
譚削除聖意惑亂後徒豈成言教苦哉吾宗
喪矣若以見聞覺知是佛性者淨名不應云
法離見聞覺知若行見聞覺知是則見聞覺
知非求法也僧又問法華了義開佛知見此
復若爲師曰他云開佛知見尚不言菩薩二
乘豈以衆生寢倒便同佛之知見邪僧又問
何那箇是佛心師曰牆壁瓦礫是僧曰與經
大相違也涅槃云離牆壁無情之物故名佛
性今云是佛心未審心之與性爲別不別師
曰迷即別悟即不別曰經云佛性是常心是
無常今云不別何也師曰汝但依語而不依
義辭如寒月水結爲冰及至暖時冰釋爲水
衆生迷時結性成心衆生悟時釋心成性若

孰無情無佛性者經不應言三界唯心空是汝自達經吾不達也問無情既有心性還解說法否師曰他熾然常說無有間歇曰某甲爲什麼不聞師曰汝自不聞曰誰人得聞師曰諸佛得聞曰衆生應無分邪師曰我爲衆生說不爲聖人說曰某甲解贊不聞無情說

二

法師應合聞師曰我亦不聞曰師既不聞爭知無情解說師曰我若得聞即齊諸佛汝即不聞我所說法曰衆生畢竟得聞否師曰衆生若聞即非衆生曰無情說法有何典據師曰不見華嚴云刹說衆生說三世一切說衆生是有情乎曰師但說無情有佛性有情後

有無情受記耶曰一切衆生盡居佛身之上便利穢污佛身穿鑿踐蹋佛身豈無罪邪師曰衆生全體是佛欲誰爲罪曰經云佛身無量礙今以有爲質礙之物而作佛身豈不乖於聖旨師曰大品經云不可離有爲而說無爲汝信色是空不曰佛之誠言那敢不信師

三

曰色既是空寧有量礙曰衆生佛性既同只用一佛修行一切衆生應時解脫今既不尅同義安在師曰汝不見華嚴六相義云同中異異中有同成壞揔別類例皆然衆生佛雖同一性不妨各自修自得未見他食我飽曰有知識示學人但自識性了無常時拋

却殼漏子一邊著靈臺智性迥然而去名爲解脫此復若爲師曰前已說了猶是二乘外道之量二乘耽離生死欣樂涅槃外道亦云吾有大患爲吾有身乃趣乎冥諦湏陀洹人八萬劫餘三果人六四二萬辟支佛一萬劫住於定中外道亦八萬劫住非非想中二乘劫滿猶能迴心向大外道還却輪迴曰佛性一種爲別師曰不得一種曰何也師曰或有全不生滅或半生半滅半不生滅曰孰爲此解師曰我此間佛性全不生滅汝南方佛性半生半滅半不生滅曰如何區別師曰此則身心一如心外無餘所以全不生滅汝南方身是無常神性是常所以半生半滅半不生滅曰和尚色身豈得便同法身不生滅耶師曰汝那得入於邪道曰學人早晚入邪道師曰汝不見金剛經色見聲求皆行邪道今汝所見不其然乎曰某甲曾讀大小乘教亦見有說不生不滅中道正性之處亦見有說此

陰滅彼陰生身有代謝而神性不滅之文那得盡撥同外道斷常二見師曰汝學出世無上正真之道爲學世間生死斷常二見耶汝不見肇公云譚真則逆俗順俗則違真違真故迷性而莫返逆俗故言淡而無味中流之人如存若亡下士拊掌而不顧汝今欲學下士笑於大道乎曰師亦言即心是佛南方知識亦尔那有異同師不應自是而非他師曰或名異體同或名同體異因茲濫矣只如菩提涅槃真如佛性名異體同真心妄心佛智世智名同體異緣南方錯將妄心言是真心認賊爲子有取世智稱爲佛智猶如魚目而此六

亂明珠不可雷同事湏甄別曰若爲離得此過師曰汝但子細反觀陰入界處一一推窮有纖毫可得否曰子細觀之不見一物可得師曰汝壞身心相耶曰身心性離有何可壞師曰身心外更有物不曰身心無外寧有物耶師曰汝壞世間相耶曰世間相即無相那

用更壞師曰若然者離即過矣禪客唯然受教常州僧靈覺問曰發心出家本擬求佛未審如何用心即得師曰無心可用即得成佛曰無心曰佛有大不可思議爲能度衆生若也無心阿誰度衆生師曰無心是真度生若見有生可度者即是又有心宛然生滅曰今既無心能仁出世說許多敎迹豈可虛言師曰佛說敎亦無心曰說法無心應是無說師曰說即無無即說曰說法無心造業有心否師曰無心即無業今既有業心即生滅何得無心曰無心即成佛和尚即今成佛未師曰心尚自無誰言成佛若有佛可成還是有心有心即有漏何處得無心曰既無佛可成和尚還得佛用否師曰心尚自無用從何有曰茫然都無莫落斷見否師曰本來無見阿誰道斷曰本來無莫落空否師曰空既是無墮從何立曰能所俱無忽有人持刀來取命爲是有

是無師曰是無曰痛否師曰痛亦無曰痛既無死後生何道師曰無死無生亦無道曰既得無物自在餓寒所逼若爲用心師曰餓即喫飯寒即著衣曰知饑知寒應是有心師曰我問汝有心心作何體段曰心無體段師曰汝既知無體段即是本來無心何得言有曰山中逢見虎狼如何用心師曰見如不見來如不來彼即無心惡獸不能加害曰寂然無事獨脫無心名爲何物師曰名金剛大士曰金剛大士有何體段師曰本無形段曰既無形段喚何物作金剛大士師曰喚作無形段金剛大士曰金剛大士有何功德師曰一念與金剛相應能滅毘沙門劫生死重罪得見毘沙門劫住世說亦不可說非意所陳假使毘沙門劫住世說亦不可得盡曰如何是一念相應師曰憶智俱忘即是相應曰憶智俱忘誰見諸佛師曰忘即無無即佛曰無即言無何得喚作佛師曰無亦空

佛亦空故曰無即佛佛即無曰既無纖毫可得名爲何物師曰本無名字曰還有相似者否師曰無相似者世號無比獨尊汝努力依此修行無人能破壞者更不湏問任意遊行獨脫無畏常有河沙賢聖之所覆護所在之處常得河沙天龍八部之所恭敬河沙善神來護永無障難何處不得逍遙又問迦葉在佛邊聽爲聞不聞師曰不聞聞曰云何不聞聞師曰聞不聞曰如來有說不聞聞無說不聞聞師曰如來無說曰云何無說說師曰言滿天下無口過 洛京荷澤神會大師示衆白夫學道者湏達自源四果三賢皆名調伏辟支羅漢未斷其疑等妙二覺了達分曉覺有淺深教有頓漸其漸也曆僧祇劫猶處輪迴其頓也屈伸臂頸便登妙覺若宿無道種徒學多知一切在心邪正由己不思一物即是自心非智所知更無別行悟入此者真三摩提法無未來前後際斷故知無念爲最上乘曠徹

廿八

六

清虛頓開寶藏心非生滅性絕推遷自淨則境慮不生無作乃攀緣自息吾於昔日轉不退輪今得定慧雙修如拳如手見無念體不逐物生了如來常更何所起今此幻質元是真常自性如空本來無相既達此理誰怖誰憂天地不能變其體心歸法界萬象一如遠離思量智同法性千經萬論只是明心既不立心即體真理都無所得告諸學衆無外馳求若最上乘應當無作珍重人問無念法有無否師曰不言有無曰恁麼時作麼生師曰亦無恁麼時猶如明鏡若不對像終不見像若見無物乃是真見師於大藏經內有六處有疑問於六祖第一問戒定慧曰戒定慧如何所用戒何物定從何處修慧因何處起所見不通流六祖答曰定即定其心將戒戒其行性中常慧照自見自知深第二問本無今有何物本有今無無何物誦經不見有無義真似騎驢更覓驢答日前念惡業本無後念

善生今有念念常行善行後代人天不久汝今正聽吾言吾即本無今有第三問將生滅却滅將滅滅却生不了生滅義所見似龍盲答曰將生滅却滅令人不執性將滅滅却生令人心離境未却離二邊自除生滅病第四問先頓而後漸先漸而後頓不悟頓漸人心

其七

裏常迷悶答曰聽法頓中漸悟法漸中頓修行頓中漸證果漸中頓漸是常因悟中不迷悶第五問先定後慧先慧後定定慧初後何生爲正答曰常生清淨心定中而有慧於境上無心慧中而有定定慧等無先雙修自心正第六問先佛而後法先法而後佛佛法本根源起從何處出答曰說即先佛而後法聽即先法而後佛若論佛法本根源一切衆生心裏出江西大寂道一禪師示衆云道不用修但莫汙染何爲污染但有生死心造作趣向皆是汙染若欲直會其道平常心是道謂平常心無造作無是非無取捨無斷常

無凡無聖經云非凡夫行非賢聖行是菩薩行只如今行住坐臥應機接物盡是道道即是法界乃至河沙妙用不出法界若不然者云何言心地法門云何言無盡燈一切法皆是心法一切名皆是心名萬法皆從心生心爲萬法之根本經云識心達本源故號爲沙門名等義等一切諸法皆等純一無雜若於教門中得隨時自在建立法界盡是法界若立真如盡是真如若立理一切法盡是理若立事一切法盡是事舉一千從理事無別盡是妙用更無別理皆由心之迴轉譬如月影有若干真月無若干諸源水有若干水性無若干森羅万象有若干虛空無若干說道理有若干無礙慧無若干種種成立皆由一心也建立亦得掃蕩亦得盡是妙用妙用盡是自家非離真而有立處即真立處盡是自家體若不然者更是何人一切法皆是佛法諸法即解脫解脫者即真如諸法不出於如行

住坐臥悉是不思議用不待時節經云在在處處則爲有佛佛是能仁有智慧善機情能破一切衆生疑網出離有無等縛凡聖情盡人法俱空轉無等輪超於數量所作無礙事理雙通如天起雲忽有還無不留礙迹猶如畫水成文不生不滅是大寂滅在纏名如來

廿八

藏出纏名大法身法身無窮體無增減能大能小能方能圓應物現形如水中月滔滔運用不立根栽不盡有爲不住無爲有爲是無爲家用無爲是有爲家依不住於依故云如空無所依心生滅義心真如義心真如者譬喻明鏡照像鏡喻於心像諸法若心取法即涉外因緣即是生滅義不取諸法即是真如義聲聞見佛性菩薩眼見佛性了達無二名平等性性無有異用則不同在迷爲識在悟爲智順理爲悟順事爲迷迷即迷自家本心悟即悟自家本性一悟永悟不復更迷如日出時不合於冥智慧日出不與煩惱暗

俱了心及境界妄想即不生妄想既不生即是無生法忍本有今有不假修道坐禪不修不坐即是如來清淨禪如今若見此理真正不造諸業隨分過生一衣一衲坐起相隨戒行增薰積於淨業但能如是何慮不通久立諸人珍重澧州藥山惟儼和尚上堂曰

祖師只教保護若覓瞋起來切須防禦莫教張_反嘴觸是你欲知枯木石頭却須擔荷實無枝葉可得雖然如此更宜自看不得絕却言語我今爲汝說這箇語顯無語底他那箇本來無耳目等貌時有僧問云何有六趣師曰我此要輪雖在其中元來不染問不了身

廿八

中煩惱時如何師曰煩惱作何相狀我且要你考看更有一般底只向紙背上記持言語多被經論惑我不曾看經論策子汝只爲迷事走失自家不定所以便有生死心未學得一言半句一經一論便說恁麼菩提涅槃世攝不攝若如是解即是生死若不彼此得失

繫縛便無生死汝見律師說什麼尼薩耆突
吉羅最是生死本雖然恁麼窮生死且不可
得上至諸佛下至螻蟻盡有此長短好惡大
小不同若也不從外來何處有閑漢掘地獄
待你欲識地獄道只今鑊湯煎煮者是欲
識餓鬼道即今多虛少實不令人信者是欲

識畜生道見今不識仁義不辨親疎者是豈
湏披毛戴角斬割倒懸欲識人天即今清淨
威儀持瓶掣鉢者是保任免墮諸趣第一不
得棄這箇這箇不是易得湏向高高山頂立
深深海底行此處行不易方有少相應如今
出頭來盡是多事人覓箇癡鈍人不可得莫

只記策子中言語以爲自己見知見他不解
者便生輕慢此輩盡是闡提外道此心直不
中切湏審悉恁麼道猶是三界邊事莫在衲
衣下空過到這裏更微細在莫將謂等閑湏
知珍重 越州大珠慧海和尚上堂曰諸人
幸自好个無事人苦死造作要擔枷落獄作

麼每日至夜奔波道我參禪學道解會佛法
如此轉無交涉也只是逐聲色走有何歇時
貧道聞江西和尚道汝自家寶藏一切具足
使用自在不假外求我從此一時休去自己
財寶隨身受用可謂快活無一法可取無一
法可捨不見一法生滅相不見一法去來相
偏十方界無一微塵許不是自家財寶但自

子細觀察自心一體三寶常自現前無可疑
慮莫尋思莫求覓心性本來清淨故華嚴經
云一切法不生一切法不滅若能如是解諸
佛常現前又淨名經云觀身實相觀佛亦然
若不隨聲色動念不逐相貌生解自然無事

卅八

十

去莫久立珍重此日大衆普集久而不散師
曰諸人何故在此不去貧道已對面相呈還
肯休麼有何事可疑莫錯用心枉費氣力若
有疑情一任諸人恣意早問時有僧法淵問
曰云何是佛云何是法云何是僧云何是一
體三寶願師垂示師曰心是佛不用將佛求

佛心是法不用將法求法佛法無二和合爲僧即是一體三寶經云心佛與衆生是三無差別身口意清淨名爲佛出世三業不清淨名爲佛滅度喻如嗔時無喜喜時無嗔唯是一心實無二體本智法爾無漏現前如蛇化爲龍不改其鱗衆生迴心作佛不改其面性本清淨不待修成有證有修即同墮上慢者真空無滯應用無窮無始無終利根頓悟用無等等即是阿耨菩提心無形相即是微妙色身無相即是實相法身性相體空即是虛空無邊身萬行莊嚴即是功德法身此法身者乃是萬化之本隨處立名智用無盡名無盡歲能生萬法名本法藏具一切智是智慧藏萬法歸如名如來歲經云如來者即諸法如義又云世間一切生滅法無有一法不歸如也時有人問云弟子未知律師法師禪師何者最勝願和尚慈悲指示師曰夫律師者啓毗尼之法歲傳壽命之遺風洞持犯而達

十一

初因若非宿德白眉焉敢造次夫法師者踞師子之座瀉懸河之辯對稠人廣衆啓鑿玄關開般若妙門等三輪空施若非龍象蹴蹋安敢當斯夫禪師者撮其樞要直了心源出沒卷舒縱橫應物咸均事理頓見如來拔生死深根獲見前三昧若不安禪靜慮到這裏總湏茫然隨機授法三學雖殊得意忘言一乘何異故經云十方佛土中唯有一乘法無二亦無三除佛方便說但以假名字引導於衆生曰和尚深達佛旨得無礙辯又問儒道釋三教同異如何師曰大量者用之即同小機者執之即異摠從一性上起用機見差別成三迷悟由人不在教之同異講唯識道光座主問曰禪師用何心修道師曰老僧無心可用無道可修曰既無心可用無道可修云何每日聚衆勸人學禪修道師曰老僧尚無卓錫之地什麼處聚衆來老僧無舌何曾勸

人來曰禪師對面妄語師曰老僧尚無舌勸人焉解妄語曰某甲却不會禪師語論也師曰老僧自亦不會講華嚴志座主問禪師何故不許青青翠竹盡是法身鬱鬱黃華無非般若師曰法身無象應翠竹以成形般若無知對黃華而顯相非彼黃華翠竹而有般若

法身故經云佛真法身猶若虛空應物現形如水中月黃華若是般若般若即同無情翠竹若是法身翠竹還能應用座主會麼曰不了此意師曰若見性人道是亦得道不是亦得隨用而說不滯是非若不見性人說翠竹著翠竹說黃華著黃華說法身滯法身說般若不識般若所以皆成爭論志禮謝而去人問將心修行幾時得解脫師曰將心修行喻如滑泥洗垢般若玄妙本自無生大用現前不論時節曰凡夫亦得如此否師曰見性者即非凡夫頓悟上乘超凡越聖迷人論凡論聖悟人超越生死涅槃迷人說事說理悟人

廿六

十三

大用無方迷人求得求證悟人無得無求迷人期遠劫悟人頓見維摩座主問經云彼外道六師等是汝之師因其出家彼師所墮汝亦隨墮其施汝者不名福田供養汝者墮三惡道謗於佛毀於法不入衆數終不得滅度沒若如是乃可取食今請禪師明爲解說師曰迷徇六根者號之爲六師心外求佛名爲外道有物可施不名福田生心受供墮三惡道汝若能謗於佛者是不著佛求毀於法者是不著法求不入衆數者是不著僧求終不得滅度者智用現前若有如是解者便得法喜禪悅之食有行者問有人問佛荅佛問法荅法喚作一字法門不知是否師曰如鸚鵡學人語話自語不得爲無智慧故辭如將水洗水將火燒火都無義趣人問言之與語爲同爲異師曰夫一字曰言成句名語且如靈辯滔滔辭大川之流水峻巒疊疊如圓器之傾珠所以郭象號懸河春鸚鵡稱義海此是語

也言者一字表心也內著玄微外現妙相萬機撓而不亂清濁渾而常分齊王到此猶慙大夫之辭文殊到此尚歎淨名之說如今常人云何能解源律師問禪師常譚即心是佛無有是處且一地菩薩分身百佛卅界二地增于十倍禪師試現神通看師曰閻梨自己

^{廿八}^{十三}

是凡聖曰是凡師曰既是凡僧能問如是境界經云仁者心有高下不依佛慧此之是有是處師曰有人一生作善忽然偷物入手即身是賊否曰故知是也師曰如今了了見性云何不得解脫曰如今必不可湏經三大阿僧祇劫始得師曰阿僧祇劫還有數否源抗聲曰將賊比解脫道理得通否師曰閻梨自不解道不可障一切人解自眼不開瞼一切人見物源作色而去云雖老渾無道師曰即行去者是汝道講止觀慧座主問禪師辨得魔否師曰起心是天魔不起心是陰魔或

起不起是煩惱魔我正法中無如是事曰一心三觀義又如何師曰過去心已過去未來心未至現在心無住於其中間更用何心起觀曰禪師不解止觀師曰座主解否曰解師曰如智者大師說止破止說觀破觀住止沒生死住觀心神亂且爲當將心止心爲復起心觀觀若有心觀是常見法若無心觀是斷見法亦有亦無成二見法請座主子細說看曰若如是問俱說不得也師曰何曾止觀人問般若大否師曰大曰幾許大師曰無邊際曰般若小否師曰小曰幾許小師曰看不見曰何處是師曰何處不是維摩座主問經云諸菩薩各入不二法門維摩默然是究竟否師曰未是究竟聖意若盡第三卷更說何事座主良久曰請禪師爲說未究竟之意師曰如經第一卷是引衆呵十大弟子住心第二說菩薩各說入不二法門以言顯於無言文殊以無言顯於無言維摩不以言不以無言

故默然收前言語故第三卷從默然起說又顯神通作用座主會麼曰奇怪如是師曰亦未如是曰何故未是師曰且破人執情作如此說若據經意只說色心空寂令見本性教捨僞行入真行莫向言語紙墨上討意度但會淨名兩字便得淨者本體也名者述用也

出八

古

從本體起述用從述用歸本體體用不二本述非殊所以古人道本述雖殊不思議一也一亦非一若識淨名兩字假號更說什麼究竟與不究竟無前無後非本非末非淨非名只示衆生本性不思議解脫若不見性人終身不見此理僧問萬法盡空識性亦尔辭如水泡一散更無再合身死更不再生即是空無何處更有識性師曰泡因水有泡散可即無水身因性起身死豈言性滅曰既言有性將出來看師曰汝信有明朝否曰信師曰試將明朝來看曰明朝實是有如今不可得師曰明朝不可得不是無明朝汝自不見性不

可是無性今見著衣喫飯行住坐卧對面不識可謂愚迷汝欲見明朝與今日不異將性覓性萬劫終不見亦如盲人不見日不是無日講青龍疏座主問經云無法可說是名說法禪師如何體會師曰爲般若體畢竟清淨無有一物可得是名無法即於般若空寂體中具河沙之用即無事不知是名說法故云無法可說是名說法講華嚴座主問禪師信無情是佛否師曰不信若無情是佛者活人應不如死人死驢死狗亦應勝於活人經云佛身者即法身也從戒定慧生從三明六通生從一切善法生若說無情是佛者大德如

出八

五

今便死應作佛去有法師問持般若經最多功德師還信否師曰不信曰若是靈驗傳十餘卷皆不堪信也師曰生人持孝自有感應非是白骨能有感應經是文字紙墨性空何處有靈驗靈驗者在持經人用心所以神通感物試將一卷經安著案上無人受持自能

有靈驗否僧問未審一切名相及法相語之與默如何通會即得無前後師曰一念起時本來無相無名何得說有前後不了名相本淨妄計有前後夫名相關鑠非智鑰不能開中道者病在中道二邊者病在二邊不知現用是無等等法身迷悟得失常人之法自起生滅埋沒正智或斷煩惱或求菩提背却般若波羅蜜人問律師何故不信禪師曰理幽難顯名相易持不見性者所以不信若見性者號之爲佛識佛之人才能信入佛不遠人而人遠佛佛是心作迷人向文字中求悟人向心而覺迷人修因待果悟人了心無相迷人執物守我爲已悟人般若應用見前愚人執空執有生滯智人見性了相靈通乾慧辨者口疲大智體了心泰菩薩觸物斯照聲聞怕境昧心悟者日用無生迷人見前隔佛人問如何得神通去師曰神性靈通徧周沙界山河石壁去來無礙剎那萬里往返無蹤火

不能燒水不能溺愚人自無心智欲得四大飛空經云取相凡夫隨宜爲說心無形相即是微妙色身無相即是實相實相體空喚作虛空無邊身萬行莊嚴故云功德法身即此法身是萬行之本隨用立名實而言之只是清淨法身也人問一心修道過去業障得消滅否師曰不見性人未得消滅若見性人如日照霜雪又見性人猶如積草等湏弥只用一星之火業障盡師曰見前心通前後生事猶如對見業障盡師曰見前心通前後生事猶如對見前佛後佛萬法同時經云一念知一切法是道場成就一切智故有行者問云何得住正

十六

法師曰求住正法者是邪何以故法無邪正故曰云何得作佛去師曰不用捨衆生心但莫污染自性經云心佛及衆生是三無差別曰若如是解者得解脫否師曰本自無縛不用求解法過語言文字不用數句中求法非過現未來不可以因果中契法過一切不可

比對法身無象應物現形非離世間而求解
脫僧問何者是般若師曰汝疑不是者試說
看又問云何得見性師曰見即是性無性不
能見又問如何是修行師曰但莫汙染自性
即是修行莫自欺誑即是修行大用現前即
是無等等法身又問性中有惡否師曰此中

善亦不立曰善惡俱不立將心何處用師曰
將心用心是大顛倒曰作麼生即是師曰無
作麼生亦無可是人問有人乘船船底刺殺
螺蜆爲是人受罪爲復船當辜師曰人船兩
無心罪正在汝辭如狂風折樹損命無作者
無受者世界之中無非衆生受苦處僧問未

佛地者二乘亦是惡人又問真法幻法空法
非空法各有種性否師曰夫法雖無種性應
物俱現心幻也一切俱幻若有一法不是幻
者幻即有定心空也一切皆空若有一法不
空空義不立迷時人逐法悟時法由人如森
羅萬象至空而極百川衆流至海而極一切
審託情勢指境勢語默勢乃至揚眉動目等
勢如何得通會於一念間師曰無有性外事
用妙有動寂俱妙心真者語默總真會道者
行住坐卧是道爲迷自性萬惑茲生又問如
何是法有宗旨師曰隨其所立即有衆義文
殊於無住本立一切法曰莫同太虛否師曰

共八

七

大幻師身爲大幻城名相爲大幻衣食河沙
此界無有幻外事凡夫不識幻處處迷幻業
聲聞怕幻境昧心而入寂苦薩識幻法達體
幻不拘一切名相佛是大幻師轉大幻法輪
成大幻涅槃轉幻生滅得不生不滅轉河沙
穢土成清淨法界僧問何故不許誦經喚作
客語師曰如鸚鵡只學人言不得人意經傳
佛意不得佛意而但誦是學語人所以不許
說亦是學語曰同是語言何偏不許師曰汝
今諦聽經有明文我所說者義語非文衆生
說者文語非義得意者越於浮言悟理者超
於文字法過語言文字何向數句中求是以
發菩提者得意而忘言悟理而遺教亦猶得
魚忘筌得兔忘蹄也有法師問念佛是有相
大乘禪師意如何師曰無相猶非大乘何況
有相經云取相凡夫隨宜爲說又問願生淨
土未審實有淨土否師曰經云欲得淨土當

共

十八

淨其心隨其心淨即佛土淨若心清淨所在
之處皆爲淨土辭如生國王家決定紹王業
發心向佛道是生淨佛國其心若不淨在所
生處皆是穢土淨穢在心不在國土又問每
聞說道未審何人能見師曰有慧眼者能見
曰其樂大乘如何學得師曰悟即得不悟不
得曰如何得悟去師曰但諦觀曰似何物師
曰無物似曰應是畢竟空師曰空無畢竟曰
應是有師曰有而無相曰不悟如何師曰大
德自不悟亦無人相障人問佛法在於三際
否師曰見在無相在其外應用無窮不在
於內中間無住處三際不可得曰此言大混
師曰汝正說混之一字時在內外否曰弟子
究檢內外無蹤迹師曰若無蹤迹明知上來
語不混曰如何得作佛師曰是心是佛是心
作佛曰衆生入地獄佛性入否師曰如今正
作惡時更有善否曰無師曰衆生入地獄佛
性亦如是曰一切衆生皆有佛性如何師曰

作佛用是佛性作賊即是賊性作衆生用是衆生性性無形相隨用立名經云一切賢聖皆以無為法而有差別僧問何者是佛師曰離心之外即無有佛曰何者是法身師曰心是法身謂能生萬法故號法界之身起信論云所言法者謂衆生心即依此心顯示摩訶衍義又問何名有大經卷內在一微塵師曰智慧是經卷經云有大經卷量等三千大千界內在一微塵中一塵者是一念心塵也故云一念塵中演出何沙偈時人自不識又問何名大義城何名大義王師曰身爲大義城心爲大義王經云多聞者善於義不善於言說言說生滅義不生滅義無形相在言說之外心爲大經卷心爲大義王若不了了識心者不名善義只是學語人也又問般若經云度九類衆生皆入無餘涅槃又云實無衆生得滅度者此兩段經文如何通會前後人說皆云實度衆生而不取衆生相當疑未決請

廿九

師爲說師曰九類衆生一身具足隨造隨成是故無明爲知生煩惱包裹爲胎生愛水浸潤爲濕生歎起煩惱爲化生悟即是佛迷號衆生菩薩只以念念心爲衆生若了念念心體空名爲度衆生也智者於自本際上度於未形未形既空即知實無衆生得滅度者僧問言語是心否師曰言語是緣不是心曰離緣何者是心師曰離言語無心曰離言語既無心若爲是心師曰心無形相非離言語非不離言語心常湛然應用自在祖師云若了心非心始解心心法僧問如何是定慧等學師曰定是體慧是用從定起慧從慧歸定如此土得道果者非止一二云何祖師東化別

唱玄宗直指人心見性成佛豈得出尊說法有所未盡只如上代諸德高僧並學貫九流洞明三藏生肇融叢盡是神異間生豈得不知佛法遠近某甲庸昧願師指示師曰諸佛不曾出世亦無一法與人但隨病施方遂有十二分教如將蜜果換苦葫蘆淘汝諸人業

廿八

二十一

根都無實事神通變化及百千三昧門化被天魔外道福智二嚴爲破執有滯空之見若不會道及祖師來意論什麼生肇融叢如今天下解禪解道如河沙數說佛說心有百千萬億纖塵不去未免輪迴思念不云盡湏沉墜如斯之類尚不能自識業果妄言自利利他自謂上流並他先德但言觸目無非佛事舉足皆是道場原其所習不如一箇五戒十善凡夫觀其發言嫌他二乘十地菩薩且醍醐上味爲世珍奇遇斯等人翻成毒藥南山尚自不許呼爲大乘學語之流爭鋒脣舌之間鼓論不形之事並他先德誠實苦哉只如

野逸高士尚解枕石洩流棄其利祿亦有安國理民之謀徵而不赴況我禪宗途路且別看他古德道人得意之後茅茨石室向折脚鑄子裏煮飯喫過三十二十年名利不干懷財寶不爲念大忘人世隱跡巖叢君王命而不來諸侯請而不赴豈圖我輩貪名愛利汨沒世途如短賤人有少希求而忘大果十地諸賢豈不通佛理可不如一箇博地凡夫竇無此理他說法如雲如雨猶被佛呵云見性如闍羅縠只爲情存聖量見存果因未能逾越聖情過諸影跡先賢古德碩學高人博達古今洞明教網蓋爲識學證文水乳難辨不

廿九

二十一

明自理念靜求真嗟乎得人身者如爪甲上土失人身者如大地土良可傷哉設有悟理之者有一知一解不知是悟中之則入理之門便謂未出世利巡山傍澗輕忽上流致使心漏不盡理地不明空到老死無成虛延歲月且聰明不能敵業乾慧未免苦輪假使才

並馬鳴解齊龍樹只是一生兩生不失人身
根思宿淨聞之即解如彼生公何足爲羨與
道全遠共兄弟論實不論虛只這口食身衣
盡是欺賢罔聖求得將來他心慧眼觀之如
喫膿血一般摠湏償他始得阿那箇有道果
自然招得他信施來不受者學般若菩薩不
得自謾如冰凌上行似劔刃上走臨終之時
一毫凡聖情量不盡纖塵思念未忘隨念受
生輕重五陰向驢胎馬腹裏託質泥犁鑊湯
裏煮爛一遍了從前記持憶想見解智慧都
盧一時失却依前再爲螻蟻從頭又作蚊蠅
雖是善因而遭惡果且圖什麼兄弟只爲貪

欲成性二十五有向脚跟下繫著無成辨之
期祖師觀此土衆生有大乘根性唯傳心印
指示迷情得之者即不揀凡之與聖愚之與
智且多虛不如少實大丈夫兒如今直下便
休歇去頓息萬緣越生死流迥出常格靈光
獨照物累不拘繫處堂堂三界獨步何必身

長丈六紫磨金輝頂佩圓光廣長舌相若以
色見我是行邪道設有眷屬莊嚴不求自得
山河大地不礙眼光得大摠持一聞千悟都
不希求一餐之直汝等諸人儻不如是祖師
來至此土非常有損有益者百千人中
滂濂一箇半箇堪爲法器有損者如前已明
從他依三乘教法修行不妨却得四果三賢
有進修之分所以先德云了即業障本來空
未了還湏償宿債池州南泉普願和尚上
堂曰諸子老僧十八上解作活計有解作活
計者出來共你商量是住山人始得良久顧
視大衆合掌曰珍重無事各自修行大衆不廿二

量如空劫時有修行人否有無作麼不道阿
你尋常巧脣薄舌及乎問著總皆不道何不
出來莫論佛出世時事兄弟今時人擔佛著
肩上行聞老僧言心不是佛智不是道便聚
頭擬推老僧無你推處你若束得虛空作棒
打得老僧著一任推時有僧問從生祖師至
江西大師皆云即心是佛平常心是道今知
尚云心不是佛智不是道學人悉生疑惑請
和尚慈悲指示師乃抗聲答曰你若是佛休
更涉疑却問老僧何處有恁麼傍家疑佛來
老僧且不是佛亦不曾見祖師你恁麼道自
見祖師去曰和尚恁麼道教學人如何扶持
得師曰你急手托虛空著曰虛空無動相云
何托師曰你言無動相早是動也虛空何解
道我無動相此皆是你情見曰虛空無動相
尚是情見前遣某甲托何物師曰你既知不
應言托擬何處扶持他曰即心是佛既不得
是心作佛否師曰是心是佛是心作佛情計

卷八

三

所有斯皆想成佛是智人心是采集主皆對
物時他便妙用大德莫無心認佛設認得是
境被他喚作所知愚故江西大師云不是心
不是佛不是物且教你後人恁麼行履今時
學人披箇衣服傍家疑恁麼閑事還得否曰
既不是心不是佛不是物和尚今却云心不
是佛智不是道未審若何師曰你不認心是
佛智不是道老僧勿得心來復何處著曰總
既不得何與太虛師曰既不是物比什麼太
虛又教誰異不異曰不可無他不是心不是
佛不是物師曰你若認這箇還成心佛去也
曰請和尚說師曰老僧自不知曰何故不知
師曰教我作麼生說曰可不許學人會道師
曰會什麼道又作麼生會曰某甲不知師曰
不知却行若取老僧語喚作依通人設見弥
勒出世還被他燄却頭尾曰使後人如何師
曰你且自看莫憂他後人曰前不許某甲會
道今復令某甲自看未審如何師曰真會妙

會許你你作麼生會曰如何是妙會師曰還欲學老僧語縱說是老僧說大德如何曰某甲若自會即不煩和尚乞慈悲指示師曰不可指東指西賺人你當喎喎和和時作麼不來問老僧今時巧黠始道我不會圖什麼你若此生出頭來道我出家作禪師如未出家時曾作什麼來且說看共你商量曰恁麼時某甲不知師曰既不知即今認得可可是耶曰認得既不是不認是否師曰認不認是什么語話曰到這裏某甲轉不會也師曰你若不會我更不會曰某甲是學人即不會和尚是善知識合會師曰這漢向你道不會誰論善知識莫巧黠看他江西老宿在日有一學士問如水無筋骨能乘萬斛舟此理如何老宿云這裏無水亦無舟論什麼筋骨兄弟他學士便休去可不省力所以數數向道佛不會道我自修行用知作麼曰如何修行師曰不可思量得向人道恁麼修恁麼行大難曰

世八

古

還許學人修行否師曰老僧不可障得你曰某甲如何修行師曰要行即行不可專尋他皆曰若不因善知識指示無以得會如和尚每言修行湏解始得若不解即落他因果無自由分未審如何修行即免落他因果師曰更不要商量若論修行何處不去得曰如何去得師曰你不可逐背尋得曰和尚未說教某甲作麼生尋師曰縱說何處覓去且如你從旦至夜忽東行西行你尚不商量道去得不得別人不可知得你曰當東行西行總不思量是否師曰恁麼時誰道是不是曰和尚每言我於一切處而無所行他拘我不得喚作徧行三昧普現色身莫是此理否師曰若論修行何處不去不說拘與不拘亦不說三昧曰何異有法得菩提道師曰不論異不異曰和尚所說修行迢然與大乘別未審如何師曰不管他別不別兼不曾學來若論看教自有經論座主他教家實大可畏你且不如

聽去好曰究竟今學人作麼生會師曰如汝所問元只在因緣邊看你除不柰何緣是認得六門頭事你但會佛那邊却來我與你商量兄弟莫恁麼尋逐不住恁麼不取古人語行菩薩行唯一人行天魔波旬領諸眷屬常隨菩薩後覓心行起處便擬撲倒如是經無廿八

廿五

量劫覓一念異處不得方與眷屬禮辭讚歎供養猶是進修位中下之人便不柰何況絕功用更如文殊普賢更不話他兄弟作麼生道行是無覓一日行底人不可得今時傍家從年至歲只是覓究竟作麼生空弄脣舌生解曰當恁麼時無佛名無衆生名使某甲作麼圖度師曰你言無佛名無衆生名早是圖度了也亦是記他言語曰若如是悉屬佛出世時事了不可不言師曰你作麼生言曰設使言言亦不及師曰若道言不及是及語你虛恁麼尋逐誰與你爲境曰既無爲境者誰是那邊人師曰你若不引教來即何處論佛

既不論佛老僧與誰論這邊那邊曰果雖不任道而道能爲因如何師曰是他古人如今不可不奉戒我不是渠渠不是我作得伊如狸奴白牯行履却快活你若一念異即難爲修行曰云何一念異難爲修行師曰纔一念異便有勝劣二根不是情見隨他因果更有什麼自由分曰每聞和尚說報化非真佛亦非說法者未審如何師曰緣生故非曰報化既非真佛法身是真佛否師曰早是應身也曰若恁麼即法身亦非真佛師曰法身是真非真老僧無舌不解道你教我道即得曰離三身外何法是真佛師曰這漢共八九十年人相罵向你道了也更問什麼離不離擬把楔釘他虛空曰伏承華嚴經是法身佛說如何師曰你適來道什麼語其僧重問師顧視歎曰若是法身說你向什麼處聽曰某甲不會師曰大難大難好去珍重趙州從諗和尚上堂云金佛不度鑑木佛不度火涅佛不

度水真佛內裏坐菩提涅槃真如佛性盡是貼體衣服亦名煩惱不問即無煩惱且實際理什麼處著得一心不生萬法無咎汝但究竟坐看三二十年若不會道截取老僧頭去夢幻空華何勞把捉心若不異萬法一如既不從外得更拘執作什麼如羊相似亂拾物

廿六

廿七

安向口裏老僧見藥山和尚道有人問著者便教合却口老僧亦教合却口取我是淨一似獵狗專欲喫物佛法在什麼處這裏一千人盡是覓作佛漢子於中覓一箇道人無若與空王爲弟子莫教心病最難醫未有世間時早有此性世界壞時此性不壞從一見老

僧後更不是別人只是一箇主公這箇更用向外覓物作什麼正恁麼時莫轉頭換腦若轉頭換腦即失却去也時有僧問承師有言世界壞時此性不壞如何是此性師曰四大五陰法眼云是一箇兩箇是壞不壞且作廢生會試斷看鎮府臨濟義玄和尚示衆曰今時學人且要

明取自己真正見解若得自己見解即不被生死染去住自由不要求他殊勝自備如今道流且要不滯於惑要用便用如今不得病在何處病在不自信處自信不及即便忙忙徇一切境脫大德若能歇得念念馳求心便興祖師不別汝欲識祖師麼即汝目前聽法

底是學人信不及便向外馳求得者只是文字學與他祖師大遠在莫錯大德此時不過萬劫千生輪迴三界徇好惡境向驢牛肚裏去也如今諸人與古聖何別汝目欠少什麼六道神光未曾間歇若能如此見是一生無事人一念淨光是汝聖裏法身佛一念無分

廿八

廿九

別光是汝報身佛一念無差別光是汝化身佛此三身即是今日目前聽法底人爲不向外來有此三種功用據教三種名爲極則約山僧道三種是名言故云身依義而立土據體而論法性身法性土明知是光影大德耳要識取弄光影人是諸佛本源是一切道流

歸舍處大德四大身不解說法聽法虛空不
解說法聽法是汝目前歷歷孤明勿形段者
解說法聽法所以山僧向汝道五蘊身田內
有無位真人堂堂顯露無絲髮許間隔何不
識取心法無形通貫十方在眼曰見在耳曰
聞在手執捉在足運奔心若不在隨處解脫
山僧見處坐斷報化佛頭十地滿心猶如客
作兒等妙二覺如擔枷帶鎖羅漢辟支猶如
糞土菩提涅槃驥馬櫬何以如斯蓋爲不
達三祇劫空有此障隔若是真道流盡不如
此如今略爲諸人大約話破自看遠近時光
可惜各自努力珍重 玄沙宗一師備大師

上堂曰太虛日輪是一切人成立太虛見在
諸人作麼生滿目觀不見滿耳聽不聞此兩
處不省得便是瞌睡漢若明徹得坐却凡聖
坐却三界夢幻身心無一物如針鋒許爲緣
爲對直饒諸佛出來作無限神通變現設如
許多教網未曾措著一分毫唯助初學誠信
之門還會麼水鳥樹林却解提網他甚端的
自是少人聽非是小事天魔外道是辜恩負
義天人六趣是自欺自狂如今沙門不薦此
事翻成弄影漢生死海裏浮沈幾時休息去
自家幸有此廣大門風不能紹繼得更向五
蘊身田裏作主宰還夢覓麼如許多田地教
誰作主宰大地載不起虛空包不盡豈是小
事若要徹即今這裏便明徹去不教仁者取
一法如微塵大不教仁者捨一法如毫髮許
還會麼時有僧問從上宗旨如何師默然僧
再問師乃叱之僧問從何方便門令學人得
入師曰入是方便僧問初心人來師如何指
廿八
示師曰什麼處得初心來僧問學人創入叢
林乞師提接師以杖指之僧曰學人不會師
曰我怎麼爲汝却成抑屈於人如今若的自
首當人分上不論初學入叢林可謂共諸人
父踐與過去諸佛無所乏少如大海水一切
魚龍初生至老吞吐受用悉皆平等所以道

初發心者與古佛齊肩柰何汝無始積劫動諸妄情結成煩惱如重病人心狂熱悶顛倒亂見都無實事如今所覩一切境界皆亦如是對汝諸根盡成顛倒古人以無窮妙藥醫療對治直至十地未得惺惺將知大不容易古人思惟如喪考妣如今兄弟見似等閑何

更別有人爲汝了得可惜時光虛度何妨密密地自究子細觀尋至無著力處自息諸緣去縱未發萌種子猶在若總取我傍家打鼓弄粥飯氣力特此造次排遣生死賺汝一生有何所益應湏如實知取好無事珍重

漳州羅漢桂琛和尚上堂大眾立丈師曰諸

上座不用低頭思量思量不及便道不要揀擇委得下口處麼汝向什麼處下口試道看還有一法近得汝還有一法遠得汝麼同得汝異得汝麼既然如是爲什麼却特地艱難去蓋爲不丈夫男子儀儀楔楔無些子感光感感地遮護箇意根恐怕人問著我常道汝

世八

廿九

若有達悟處但去却人我披露將來與汝驗過直下作麼不肯莫把牛迹裏水以爲大海佛法遍周沙界莫錯向肉團心上妄立知見以爲疆界此見聞覺知識想情緣然非不是若向這裏點頭道我真實即不得只如古人道此事唯我能知是何境界還識得麼莫是汝見我我見汝便是麼莫錯會若是這箇我我隨生滅身有即有身無即無所以古佛爲汝今日人說異法有故異法出生異法無故異法滅盡莫將爲等閑生死事大此一園子消殺不到在處乖張不少聲色若不破受想行識亦然役得汝骨出在莫道五陰本來空也不由汝口便解空去所以道湏得親徹湏真實也不是今日老師始解恁麼道他古聖告報汝喚作金剛祕密不思議光明歲覆陰乾坤生凡育聖亘古亘今誰人無分既若如此更藉何人所以諸佛慈悲見汝不柰何開方便門示真實相我今方便也汝還會麼若

不會莫向意根下捏怪僧問從上宗門乞師
方便師曰方便即不無汝喚什麼作宗門曰
恁麼即學人虛施此問師曰汝有什麼罪過
問佛法還受雕琢也無師曰作麼不受曰如
何雕琢師曰佛法問諸行無常是生滅法如
何是不生不滅法師曰用不生不滅作麼問
才擬是過不擬時如何師曰擬有什麼過曰
恁麼即便自無瘡也師曰合取口問諸境中
以何爲主師曰那箇是諸境曰莫是疑處是
麼師曰把將疑處來問正恁麼時是什麼師
曰不恁麼時是什麼曰學人道不得師曰口
裏是什麼塞却師又曰諸人朝晡恁麼上來
下去也只是被此子聲色惑亂身心不安若
是聲色名字不是佛法又疑伊什麼若是佛
法不是聲色名字汝又作麼生擬把身心湊
泊伊若是聲色名字總是聲色名字若是佛
法總是佛法會麼異聲無聲異色無色離字
無名離名無字試把舌頭點看有多少聲色

廿八

名字自何而色以何爲名三界如是崢嶸尚
覓出頭不得因什麼却特地難爲去只爲諸
人自生顛倒以常爲斷悟假迷真妄外馳求
強捏異見終日共人商量便有佛法不與人
商量便是世間閑人話到這裏才舉著佛法
便道擬心即差動念即乘尋常諸處元無口
似紡車撲便不差去佛法事不是隔日癮皆
由汝狂識凡情作差與不差解忽然見我把箇
箇搥子搥背便作意度顧覽不然見我把箇
箇子掃東掃西便各照管是汝尋常打柴何
不顧覽招呼便悟去上座佛法莫向意根下
皮袋裏作則度汝成自賺我不敢網縛初心
籠罩後學各自究去無事珍重 大法眼文
益禪師上堂曰諸上座時寒何用上來且道
上來好不上來好或有上座道不上來却好
什麼處不是更用上來作什麼更有上座道
是伊也不得一向又湏到和尚處始得諸上
座且道這兩箇人於佛法中還有進趣也未

上座實是不得並無少許進趣古人喚作無孔鐵鎌生育生聲無異若更有上座出來道彼二人總不得爲什麼如此爲伊執著所以不得諸上座總似恁麼行脚總似恁麼商量且圖什麼爲復只要弄脣觜爲復別有所圖恐伊執著且執著什麼爲復執著理執著事

世八

執著色執著空若是理理且作麼生執若是事事且作麼生執著色著空亦然山僧所以尋常向諸上座道十方諸佛十方善知識時常垂手諸上座時常接手十方諸佛垂手時有也什麼處是諸上座時常接手處還有會處會取好若未會得莫道總是都來圓取諸上座傍家行脚也湏審諦著此精彩莫只藉少智慧過却時光山僧在衆見此多矣更有般上座自己東西猶未知向這邊那邊東聽西聽說得少許以爲膧襟仍爲他人注腳將爲自己眼目上座總似這箇行脚自賺亦乃賺他奉勸諸上座且明取道眼好些子粥

飯智慧不足可恃若是世間造作種種非違之事入地獄猶有劫數且有出期若是錯與他人閉眼目陷在地獄冥冥長夜無有出期莫將爲等閑奉勸且依古聖慈悲門好他古聖所見諸境唯見自心祖師道不是風動幡動仁者心動但且恁麼會好別無親於親處也師良久又云諸上座貶也得剥也得時僧問學人不爲別事請師直道師曰汝是不爲別事問如何是不生不滅底心師曰那箇是生滅底心僧曰爭柰學人不見師曰汝若不見不生不滅底也不是問如何是佛法大意師曰便會取問古人纔見人恁麼來便叫失也古人意如何師曰汝不信但問別人問維摩與文殊對談何事師曰汝不妨聰明問法同法性入諸法故古意如何師曰汝是行脚僧問如何是解修行底人師曰汝是什麼人曰恁麼即不落因果也師曰莫作野干鳴問識本還源時如何師曰謾語問明暗不分時

如何師曰道什麼問如何是對境數起底心
師曰恰道著問如何是學人本分事師曰謝
指示問決擇之次如履輕冰如何決擇師曰
待汝疑即道曰學人即今疑師曰嚇阿誰問
從上宗乘如何履踐師曰雷聲甚大雨點全
無問如何是末後句師曰苦問如何是玄言
共

廿二

妙旨師曰用玄言妙旨作什麼問如何是直
道師曰恐難副此問問承教有言佛真法身
猶若虛空應物現形如水中月如何得恁麼
師曰如何得恁麼問教云佛以一音演說法
衆生隨類各得解學人如何解師曰汝甚解
師又曰此問已是不會古人語也因什麼却
向伊道汝甚解何處是伊解處莫是於伊分
中便點與伊麼莫是爲伊不會問却反射伊
麼且素非此理慎莫錯會除此兩會別又如
何商量諸上座若會得此語也即會得諸聖
總持門且作麼生會若也會得一音演說不
會隨類各解恁麼道莫是有過無過說麼莫

錯會好既不恁麼會作麼生說一音演說隨
類得解有箇去處始得每日空上來下去又
不當得人事且究竟道眼始得他古人道一切
聲是佛聲一切色是佛色何不且恁麼會取
僧問遠遠尋聲請師一接師曰汝尋底是什
麼聲是僧聲是俗聲是凡聲是聖聲還有會
處麼若也實不會上座吵吵是聲吵吵是色
聲色不柰何莫將爲等閑上座若會得即是
真實若不會即是幻化若也會得即是幻化
若也不會即是真實他古人亦向上座道唯
我能知除此外別無作計校處上座成不成
從何而出是不是從何而出理無事而不顯

廿三末

事無理而不消事理不二不事不理不理不
事恁麼注解與上座若更不會不如且依古
語好他古人見上座百般不得所以垂慈向
汝道將聞持佛佛何不自聞無事珍重

廿八

澧音誌音環五林 聰音拯職日釋女 救礪式

反

醜

是周鑿

疾

各

感

賊

殼

克

角

拊

斐

無

甄

真

酌

滔

他

刀

挈

詰

結

蹠

子

六

反

撮

倉

括

樞

窓

俞

甄

真

酌

鑰

鑰

鑰

鑰

鑰

鑰

鑰

鑰

鑰

鑰

鑰

鑰

鑰

鑰

鑰

鑰

鑰

鑰

香嚴襲燈大師頌十九首

筠

州

洞

山

和

尚

頌

一

首

潭州龍牙和尚頌十八首

玄沙宗一大師頌三首

招慶真覺大師頌二首

漳州羅漢和尚明道頌一首

南嶽般舟道場勁和尚覺地頌一首

郢州臨谿和尚入道淺深頌五首

大法眼禪師頌十四首

唐白居易八漸偈八首

同安禪師詩八首

雲頂山僧德敷詩十首 僧潤詩二首

補九

大乘讚十首

梁寶誌和尚

大道常在目前雖在目前難覩若欲悟道真體莫除色聲言語言語即是大道不假斷除煩惱煩惱本來空寂妄情遞相纏繞一切如影如響不知何惡何好有心取相爲實定知見性不了若欲作業求佛業是生死大先生歸宗至真禪師頌一首

景德傳燈錄卷第二十九

世九

讚頌偈詩

誌公和尚大乘讚十首

誌公和尚十二時頌十二首

誌公和尚十四科頌

歸宗至真禪師頌一首